

Erasmus+ stipendije u ljetnom semestru 2021/22. na Univerzitetu Afyon Kocatepe, Turska (studenti)



Univerzitet Afyon Kocatepe iz Turske objavio je konkurs za dodjelu **dvije (2) stipendije** studentima I i II ciklusa studija Univerziteta u Tuzli za ljetni semestar akademske 2021/22. godine. Jedna stipendija je namijenjena za redovno slušanje predmeta u toku navedenog semestra (4 mjeseci), a druga stipendija je namijenjena za stručnu praksu odnosno takozvani internship (2 mjeseca).

Prijaviti se mogu studenti sljedećih fakulteta i studijskih programa: Ekonomski fakultet (**poslovanje i administrativne nauke**), Pravni fakultet (**pravo**), Fakultet za tjelesni odgoj i sport, Tehnološki fakultet (**prehrambena tehnologija**), RGGF (**rudarstvo i građevinarstvo**), Filozofski fakultet (Turski jezik i književnost), Mašinski fakultet i Fakultet elektrotehnike.

Stipendija obuhvata putne troškove u iznosu od 275 EUR i mjesečnu stipendiju u iznosu od 800 EUR. Viza, dozvola za boravak i osiguranje nisu obuhvaćeni ovom stipendijom, te je stipendista dužan ove troškove snositi sam.

Putni troškovi se izračunavaju uz pomoć „Distance Calculator“ dostupnog na sljedećem linku:

https://ec.europa.eu/programmes/erasmus-plus/resources/distance-calculator_en).

Više informacija o studiranju, fakultetima i studijskim programima na Univerzitetu Afyon Kocatepe možete pronaći na: <https://aku.edu.tr/>

Ovaj poziv je otvoren od 23.11. do 13.12.2021. godine

Od 14.12. do 28.12.2021. godine svi zainteresovani studenti apliciraju direktno na Univerzitet Afyon Kocatepe putem sljedećeg linka: <https://forms.gle/JZMgiqOzVGxYMqG78>.

Proces selekcije će se vršiti od strane Univerziteta Afyon Kocatepe u skladu sa kriterijima koji su navedeni u ovom **dokumentu**.

Potrebna dokumentacija za studente:

1. Prijavni obrazac

2. Fotografija (formata 35x45 mm)
3. Fotokopija pasoša (stranica sa generalijskim podacima)
4. CV (<https://europass.cedefop.europa.eu/documents/curriculum-vitae>)
5. Motivaciono pismo na engleskom jeziku
6. Prijedlog **Erasmus+ Learning Agreement**
7. Certifikat o poznavanju engleskog jezika, minimalno nivo B2
8. Prepis ocjena i potvrda o statusu studenta – prevedeni na engleski jezik

Ured stoji na raspolaganju za sva dodatna pitanja putem telefona ili emaila (staviti u predmetu emaila napomenu PRIJAVA ZA ERASMUS+ AFYON).

Za pravilno popunjavanje Learning Agreement studenti trebaju kontaktirati lično Ured. Learning Agreements se i dostavlja lično u Ured (ukupno četiri kopije), prije nego se isti pošaljete uz aplikaciju Univerzitetu Afyon Kocatepe.

Svi dokumenti Univerzitetu Afyon Kocatepe koji se dostavljaju moraju biti na engleskom jeziku, potpisani i skenirani u PDF formatu sa jasno naznačenim imenom i prezimenom kandidata i nazivom svakog dokumenta (primjer: CV_First Name, Last Name).

Kontakt informacije:

Ured za međuuniverzitetsku saradnju u zemlji i inostranstvu

Dr. Tihomila Markovića 1 (Rektorat Univerziteta u Tuzli, kancelarija br. 11)

E-mail: mirha.mujkanovic@unitz.ba

Tel: +387 35 300 529

POSEBNA NAPOMENA: Uzimajući u obzir trenutno stanje u kojem se Bosna i Hercegovina, region i Evropa nalaze, Univerzitet u Tuzli, zajedno sa svojim partnerskim institucijama u Evropi prati zdravstvenu situaciju, kao i restrikcije za putovanja. Raspisani konkursi, odnosno mobilnosti će se moći implementirati SAMO pod uslovom da će mobilnost biti nesmetano obavljena i sigurna po zdravlje kandidata. U slučaju pogoršanja situacije, blagovremeno ćete biti obavješteni o otkazivanju iste. Preporučuje se da se ne poduzimate nikakve aktivnosti rezervisanja/plaćanja putovanja i smještaja, te regulisanja vize prije nego dobijete zvaničnu potvrdu od strane Ureda za međuuniverzitetsku saradnju u zemlji i inostranstvu.